

**MANUAL DE ACTUACIÓN DO PERSOAL DA UNIDADE DE  
TRANSPORTE E DISTRIBUCIÓN.**

**INTRODUCCIÓN**

A pandemia de COVID-19 está supoñendo unha emerxencia sanitaria no mundo, que fai que para a contención da progresión da enfermidade sexa necesaria tanto a limitación temporal da libre circulación como o confinamento do persoal nos seus fogares.

O obxectivo deste manual é informar ao persoal da Unidade de Transporte e Distribución, das medidas preventivas a aplicar con respecto ao virus SARS-CoV-2 para garantir a súa seguridade e saúde, seguindo sempre os procedementos e recomendacións dadas polas autoridades sanitarias.

**QUE É O NOVO CORONAVIRUS SARS-CoV-2?**

Os coronavirus son unha familia de virus que normalmente afectan só a animais, aínda que en ocasións poden transmitirse ás persoas.

O SARS-CoV-2 é un novo tipo de coronavirus que pode afectar ás persoas e que produce a enfermidade chamada COVID-19.

**CÓMO SE TRANSMITE O NOVO CORONAVIRUS SARS-CoV-2?**

A transmisión prodúcese por contacto estreito coas secrecións respiratorias que se xeran coa tose ou o co esbirro dunha persoa enferma.

Estas secrecións poderían infectar a outra persoa se entrasen en contacto co seu nariz, os seus ollos ou a súa boca.

É pouco probable a transmisión polo aire a distancias maiores de dous metros.

O período de incubación pode variar entre 2 e 14 días.

**CALES SON OS SÍNTOMAS DA ENFERMIDADE COVID-19?**

Os síntomas máis comúns inclúen malestar xeral, febre (>37º C), tose e sensación de falta de aire. Nalgúns casos tamén poden aparecer síntomas dixestivos como diarrea e dor abdominal. A maioría dos casos presentan sintomatoloxía leve.

Nos casos máis graves, a infección pode causar pneumonía, dificultade respiratoria importante, fallo renal e mesmo a morte.

En xeral os síntomas asociados a esta enfermidade son: tose, febre, dificultade para respirar, perda de olfacto e/ou do gusto, diarrea, dor de garganta, dor muscular, dor de peito ou cansazo xeneralizado.

**QUE É UN CONTACTO ESTREITO?**

- Calquera persoa que proporcionase coidados a un caso: persoal sanitario ou sociosanitario, membros familiares ou persoas que teñan outro tipo de contacto físico similar e que non utilizaran as medidas de protección adecuadas.
- Calquera persoa que estivese no mesmo lugar que un caso, a unha distancia menor de 2 metros (exemplo visitas, reunión) e durante máis de 15 minutos.

**QUE SON OS GRUPOS VULNERABLES PARA COVID-19?**

O Ministerio de Sanidad define como grupos vulnerables para COVID-19 as persoas con enfermidade cardiovascular, incluída a hipertensión, enfermidade pulmonar crónica, diabetes, insuficiencia renal crónica, inmunodepresión, cancro na fase de tratamento activo, enfermidade hepática crónica severa, obesidade (IMC>40), embarazo e maiores de 60 anos.

Para que se poida levar a cabo a valoración por parte da Área de Vixilancia da Saúde, é necesario seguir os pasos que se indican no Procedemento de Valoración de Grupos Vulnerables da Universidade de Vigo.

[https://www.uvigo.gal/sites/uvigo.gal/files/docs/universidade/administracion/spri/normativa/vulnerables\\_proced\\_covid\\_gl.pdf](https://www.uvigo.gal/sites/uvigo.gal/files/docs/universidade/administracion/spri/normativa/vulnerables_proced_covid_gl.pdf)

**QUE FACER NO CASO DE PRESENTAR SINTOMAS COMPATIBLES CO COVID-19?**

No caso de que o/a traballador/a que realiza traballo presencial presente síntomas compatibles cunha infección respiratoria aguda, se lle proporcionará unha máscara cirúrxica e se retirará da súa actividade, permanecerá illado/a no seu domicilio e terase que poñer en contacto co seu médico ou co teléfono de atención ao COVID-19 (900400116). O/A responsable avisará ao Servizo de Prevención de Riscos Laborais. O médico da Área de Vixilancia de Saúde fará o seguimento dos contactos estreitos e tramitará a IT.

A bolsa de lixo na que se depositaron panos u outros produtos contaminados se introducirá nunha segunda bolsa con peche para a súa retirada ao contedor.

[https://www.uvigo.gal/sites/uvigo.gal/files/docs/universidade/administracion/spri/normativa/covid\\_positivo\\_gl.pdf](https://www.uvigo.gal/sites/uvigo.gal/files/docs/universidade/administracion/spri/normativa/covid_positivo_gl.pdf)

**RISCO DE EXPOSICIÓN NOS POSTOS DA UNIVERSIDADE DE VIGO**

Segundo a avaliación de risco de exposición específica que realizou o Servizo de Prevención de Riscos Laborais establececese que, todos os postos da Universidade de Vigo encádranse dentro do escenario de baixa probabilidade de exposición (*táboa 1 "Escenarios de riesgo de exposición al coronavirus SARS-CoV-2 en el entorno laboral"* publicada polo Ministerio de Sanidad o 14 de xullo de 2020) .

**ACCESO AOS CENTROS DE TRABALLO E ÁS ZONAS COMÚNS****PRINCIPIOS XERAIS**


1. Se presentas calquera sintomatoloxía (tose, febre, dificultade ao respirar, perda de olfacto e/ou do gusto, diarrea, dor de garganta, dor muscular, dor de peito ou cansazo xeneralizado) que puidese estar asociada co COVID-19 non debes acudir ao traballo. Contacta co teu centro de atención primaria o co teléfono de atención ao COVID-19 (900400116). Comunica o teu estado de saúde á persoa encargada dos aspectos COVID-19 do teu centro de traballo. Non debes acudir ao teu posto de traballo ata que che confirmen que non hai risco para ti ou para os demais.
2. Dálle prioridade á opción de mobilidade que mellor garanta a distancia interpersoal de 1,5 metros. Por esta razón, é preferible o transporte individual.
3. Ao acceder ao centro de traballo, lava as mans con auga e xabón durante 40-60 segundos seguindo as indicacións do anexo I. Fai o mesmo ao rematar o traballo. Terase en conta que cando as mans teñen sucidade visible as solucións alcohólicas non son suficientes polo que é necesario usar auga e xabón.
4. Usar máscara en todo momento. O seu uso será obrigatorio aínda que se poida garantir a distancia de seguridade interpersoal de 1,5 metros.
5. Evita o saúdo con contacto físico, incluído dar a man.

**PORTAS**

- Respecta a sinalización das portas. Sempre que estean habilitadas portas de entrada independentes das de saída respéctaa para evitar cruces de persoas.
- No caso de emerxencia, utiliza para a evacuación do edificio as saídas establecidas no Plan de Autoprotección sinalizadas para este fin.
- Sempre que se poida, mantén as portas abertas evitando así tocar os pomos ou os pasadores.

**CORREDORES E ESCALEIRAS**

- Respecta os sentidos de circulación nos corredores e escaleiras en función das dimensións destes:
  - A. En corredores e escaleiras onde o ancho permita manter a distancia de seguridade, pódese circular nos dous sentidos. Se están sinalizados os sentidos sigue as indicacións, en caso contrario circula sempre pola dereita.



- B. En corredores e escaleiras onde o ancho NON permita manter a distancia de seguridade, poden darse dúas situacións:
    - Se hai vías alternativas para o mesmo percorrido, unha será de ida e outra de volta e estará sinalizado o sentido único en cada unha delas.
    - Se non hai vías alternativas para o mesmo percorrido, sigue a sinalización respectando o sentido que ten preferencia.
- Non manteñas conversacións nos corredores ou nas zonas de tránsito para evitar aglomeracións.
  - Nas bancadas dos corredores, ocupa os asentos de maneira que quede sempre baleiro o asento contiguo para gardar a separación de calquera outra persoa.



**ACCESO AOS CENTROS DE TRABALLO E ÁS ZONAS COMÚNS****ASCENSORES**

- Nos ascensores teñen prioridade de uso as persoas con problemas de mobilidade, persoal de limpeza e persoal que transporta cargas. Procura utilizar as escaleiras sempre que sexa posible.
- Cando sexa necesario utilízalos, a ocupación máxima será do 50% da súa capacidade e será obrigatorio o uso da máscara por parte das persoas ocupantes aínda que se poida garantir a distancia de seguridade interpersoal de 1,5 metros.
- Para accionar a porta e os botóns do ascensor usa a man non dominante.

**ASEOS**

- Evitar no posible tocar calquera superficie. Lava coidadosamente as mans cada vez que fagas uso dos aseos. A descarga da cisterna faina coa tapa baixada.
- Os aseos contarán con xabón, papel ou toallas que se poidan desbotar, así como cubos con tapa accionada por pedal. Evita no posible tocar calquera superficie.
- A ocupación máxima dos aseos será dunha persoa para espazos de ata catro metros cadrados, salvo naqueles supostos de persoas que poidan precisar asistencia, nese caso tamén se permitirá a utilización pola persoa acompañante. O aforo máximo estará indicado na entrada dos aseos.

**ZONAS DE DESCANSO**

- Establecer quendas para acceder de forma gradual ás zonas habilitadas para descanso e sempre respectando a distancia de seguridade mínima de 1,5 metros.
- Non compartas comidas, bebidas, vasos, botellas ou cubertos.
- Non utilices equipos comúns como fornos, microondas, neveiras, etc.
- Lava as mans ao chegar e ao saír.

**MÁQUINAS EXPENDEDORAS E FOTOCOPIADORAS**

- Ao remate do seu uso, as persoas usuarias limparán as superficies de contacto; para isto utilizarase papel ou toallas que se poidan desbotar e preparacións alcohólicas.
- Para accionar os botóns destas máquinas emprega a man non dominante.

## PRINCIPIOS XERAIS

1. No interior do garaxe, entre os/as compañeiros/as, respecta a distancia de seguridade mínima de 1,5 metros.
2. Evita compartir ferramentas, mobiliario e outro material como bolígrafos, lapis, carpetas. Para isto cada quen terá o seu material diferenciado.
3. No caso do material de uso común como teléfonos, pomos das portas, chaves da luz, etc., límpaos antes e inmediatamente despois do seu uso seguindo as instrucións do punto 6: "Limpeza, desinfección e corentena do material".
4. Nas tarefas que teñan que ser realizadas por máis dunha persoa, garda a distancia de seguridade mínima de 1,5 metros sempre que sexa posible.
5. Material de protección. Como norma xeral dispón do seguinte material de protección:
  - Máscaras hixiénicas (UNE 0064-1-2) ou (UNE 0065).
  - Máscaras cirúrxicas (EN 14683) para utilizar no caso de que alguén presente síntomas compatibles ca COVID-19 ou estea incluído nalgún dos grupos vulnerables.
  - Opcionais as máscaras autofiltrantes FFP2 sen válvula de exhalación xa que o aire é exhalado directamente ao ambiente sen ningún tipo de retención.
  - Luvas só para casos excepcionais

Recordar que o uso das máscaras é obrigatorio aínda que se poida gardar a distancia de seguridade interpersoal de 1,5 metros.

## 6. Limpeza, desinfección e corentena do material.

- **Limpeza e desinfección** mediante desinfectantes con actividade virucida autorizados e rexistrados polo Ministerio de Sanidad. Aplica o desinfectante utilizando panos ou toallas que serán desbotados, ao rematar a limpeza, nun cubo con tapa accionada por un pedal. Utiliza luvas que se desbotarán unha vez finalizada a tarefa.  
Os equipos ou o material que non se poden limpar con solucións desinfectantes límpaos con vapor u outros métodos de desinfección (se é posible pregunta ao fabricante). Emprega sempre procedementos e produtos recomendados polas autoridades sanitarias, entre os que non se encontra o ozono. Non se avaliou o uso de lámpadas UV para desinfección de superficies.
- **Posta en corentena** do material que polas súas características non permita a desinfección. Disporase dunha bolsa de plástico con mecanismo de peche ou dunha caixa onde a persoa usuaria introducirá o material prestado, que se colocará en espazos estancos habilitados para almacenar o devandito material. Estes espazos de corentena deberán estar afastados das zonas de tránsito e de traballo, e para acceder a eles é recomendable que non sexa necesario o uso dos ascensores. Utilizar luvas para esta operación que se desbotarán unha vez finalizada a tarefa. O tempo de corentena dependerá da permanencia do SARS-CoV-2 viable nas superficies. Segundo o Ministerio de Sanidad obtivéronse os seguintes resultados:

MATERIAL	TEMPO	MATERIAL	TEMPO
Cobre	4 horas	Papel	3 horas
Cartón	24 horas	Madeira, vidro	1 a 2 días
Aceiro inoxidable, plástico	Máis de 4 días	Roupa	1 a 2 días

**PRINCIPIOS XERAIS****7. Hixiene.**

As recomendacións hixiénicas para reducir o risco de contaxio son:

- Lava as mans frecuentemente con auga e xabón durante un mínimo de 40 segundos, especialmente ao inicio e ao fin das actividades en instalacións de uso compartido. Así mesmo, antes e despois dos descansos e antes e despois do uso de equipos e ferramentas. Ver anexo I de “Lavado de mans”. A hixiene de mans é a medida principal de prevención e control da infección.
- Utiliza preparacións alcohólicas para a desinfección das mans. Terase en conta que cando as mans teñen sucidade visible as solucións alcohólicas non son suficientes polo que é necesario usar auga e xabón.
- Evita tocar o nariz, a boca e os ollos, nin con luvas nin sen elas. As mans facilitan a transmisión.
- No caso de tusir e/ou esberrar, tápate cun pano de papel e tiralo tras o seu uso. No caso de non ter un pano de papel, utiliza a parte interna do cóbado para non contaminar as mans.
- Evita o contacto físico nos saúdos. Manter distanciamento físico de a lo menos de 1,5 metros
- O uso da máscara será obrigatorio aínda que se poida garantir a distancia de seguridade interpersonal de 1,5 metros.

**TAREFAS MÁIS FRECUENTES NA UNIDADE DE TRANSPORTE E DISTRIBUCIÓN****RECOLLIDA E DEVOLUCIÓN DE VEHÍCULOS**

As persoas usuarias que veñan a recoller ou devolver un vehículo, aténdelas sempre a través da pantalla ou barreira colocada no mostrador ou no seu defecto garda a distancia de seguridade mínima de 1,5 metros (esta distancia deberá estar marcada no chan).

No caso de ter que acompañar á persoa usuaria, garda a distancia de seguridade.

Impide o acceso ás persoas usuarias ao interior da oficina do garaxe.

**CORREO E PAQUETERÍA**

- Tanto na recepción como no reparto do correo e paquetería, utiliza luvas que se desbotarán, sobre todo, unha vez termine a manipulación e lava as mans. Sigue as indicacións do anexo I.
- Organiza a clasificación do correo de xeito que se garanta que a manipulación da correspondencia e dos paquetes realizase polo menor número de traballadores/as posibles. Unha vez rematada a tarefa lava as mans seguindo as indicacións do anexo I.
- O uso da máscara será obrigatorio dentro e fora dos centros aínda que se poida garantir a distancia de seguridade interpersoal de 1,5 metros.
- Realiza a desinfección de todo o material que se poida. Sigue as indicacións do punto 6 do apartado “principios xerais”.
- Nas furgonetas utilizadas para o correo, os/as ocupantes estarán obrigados a utilizar a máscara e a gardar a máxima distancia posible. As máscaras no levaran válvula xa que nestas o aire é exhalado directamente ao ambiente sen ningún tipo de retención.
- Planifica as entregas e coloca o máis cerca posible da porta o que se vai descargar primeiro.
- No reparto aos centros, cando se realice por máis dunha persoa respecta a distancia de seguridade. Extremarase a hixiene persoal sobre todo das mans antes e ao finalizar a tarefa.
- Organiza xunto co persoal de conserxería o lugar onde se depositará o correo e os paquetes, evitando así, no posible, o contacto con outras persoas.

**TRASLADO DE MATERIAL VOLUMINOSO OU PESADO**

- Cando a manipulación a realice unha soa persoa con axudas mecánicas, utiliza luvas que se desbotarán unha vez finalizada a operación.
- Cando se realice por máis dunha persoa e garda a distancia de seguridade sempre que sexa posible

**USO DOS VEHÍCULOS**

Na utilización tanto pola parte do persoal da Unidade de Transporte e Distribución como das persoas responsables en réxime de préstamo, seguir as seguintes indicacións:

- Uso obrigatorio de máscara para as persoas usuarias e para o/a condutor/a. A máscara serve a hixiénica ou a cirúrxica pero no caso de non dispoñer delas podes usar unha FFP2. Seguir as indicacións do anexo III.
- Sinalizar no exterior a obrigabilidade do uso da máscara tanto para as persoas usuarias coma para o/a condutor/a. Nos vehículos se dispoñerese dalgunha máscara cirúrxica por se algún/a usuario/a se presentara sen ela.
- Os vehículos disporán dun dispensador con preparación alcohólica, papel ou toallas que se poidan desbotar e papeleira con bolsa de lixo e tapa accionada con pedal.
- Antes e despois da súa utilización, desinfecta aquelas superficies coas que o persoal puidera entrar en contacto, como os asentos, os pomos das portas, o volante, a panca do cambio de marchas, etc...
- Realiza con frecuencia unha limpeza por fóra dos vehículos.
- Antes e despois do seu uso, lava as mans. Sigue as indicacións do anexo I.
- Para as tarefas de limpeza e desinfección, utiliza máscaras FFP2 sen válvula e luvas.
- O condutor velará polo cumprimento das normas.



**TAREFAS MÁIS FRECUENTES NA UNIDADE DE TRANSPORTE E DISTRIBUCIÓN****Autobús e vehículos de ata nove prazas incluído o/a condutor/a**

- Será obrigatorio o uso de máscara aínda que se poida gardar a distancia mínima de seguridade de 1,5 metros.
- Poderán desprazarse tantas persoas como prazas teña o vehículo; ocuparanse en último lugar as prazas da fila do condutor.
- As persoas usuarias non poderán consumir alimentos, e na medida do posible, evitar consumir bebidas, conversar ou manter calquera outro contacto directo con outras persoas.
- As persoas usuarias irán directamente ao asento sen andar polo autobús nin para saudar nin para falar.
- O/a condutor/a velará polo cumprimento das normas anteriores.

**Nas furgonetas utilizadas para o correo**









- Nas furgonetas poderán ocuparse todas as prazas.
- Será obrigatorio o uso de máscara aínda que se poida gardar a distancia mínima de seguridade de 1,5 metros

**LIMPEZA E DESINFECCIÓN DE VEHÍCULOS**

- Só utiliza desinfectantes con actividade virucida autorizados e rexistrados polo Ministerio de Sanidad. Sigue as indicacións do punto 6 do apartado “principios xerais”.
- Para desinfectar as superficies como volante, pomos das portas, panca do cambio de marchas, podes utilizar os deterxentes habituais pero tamén se pode usar lixivia u outros desinfectantes sempre en condicións de seguridade.
- O tapizado dos asentos pódense limpar con equipos para a aplicación de calor que non xeren correntes de aire ou tamén cos produtos de limpeza habituais.
- Lava sempre as mans antes de poñelas protección e despois de quitálas. Evita igualmente tocar a cara cando os leves postos.
- Unha vez finalizada a limpeza, e despois de quitar a máscara e as luvas, lavar as mans, con auga e xabón. Terase en conta que cando as mans teñen sucidade visible as solucións alcohólicas non son suficientes polo que é necesario usar auga e xabón. Segue as indicacións do anexo I.
- As tarefas de limpeza dos vehículos, faranse con máscara FFP2 sen válvula e luvas que se poidan desbotar. No caso de ser de látex, recoméndase o seu uso sobre luva de algodón.
- As máscaras, luvas, panos utilizados para o secado de mans, desbótaos nas papeleiras ou contedores con tapa accionada por pedal.

## ANEXO I

### LAVADO DE MANS

1. Molla as mans con auga	2. Deposita xabón suficiente na palma da man
	
3. Frega as palmas das mans	4. Frega a palma dunha man contra o dorso da outra entrelazando os dedos
	
5. Frega as palmas das mans entre si cos dedos entrelazados	6. Frega o dorso dos dedos dunha man coa palma da oposta; realizar en ambas as mans
	
7. Cun movemente de rotación, frega o polgar atrapándoo coa palma da outra man	8. Frega as xemas dos dedos dunha man coa palma da outra con movementos de rotación
	
9. Enxauga as mans con auga	10. Seca cunha toalla que se poida desbotar
	
11. Utiliza a toalla para pechar a billa	12. Este proceso debe durar entre 40 e 60 s
	

**ANEXO II**


**USO CORRECTO DAS LUVAS**

**PONER AS LUVAS**

**1. Lava as mans**



**2. Saca unha luva da caixa**



**3. Trata de tocar só a superficie da luva correspondente ao pulso**




**4. Pon a primeira luva**



**5. Saca a segunda luva tratando de tocar só a superficie correspondente ao pulso**



**6. Evita tocar a pel do antebrazo coa man con luva, para iso suxeita a superficie externa da luva cos dedos dobrados**




**QUITAR AS LUVAS**

**1. Belisca o exterior da primeira luva e retíraa sen tocar a súa parte interior do mesmo; mantena na man con luva**



**2. Retira a segunda luva introducindo os dedos polo interior e sen tocar a súa parte externa**



**3. Quita a luva enrolándoa fóra da man e dobrándoa dentro da primeira luva**



**4. Refuga as luvas usadas**



**5. Lava as mans**



**ADVERTENCIA**



Todo o que toques coas luvas, se estas están contaminadas, vaise contaminar, polo que non debes tocar a cara coas luvas.

ANEXO III


USO CORRECTO DE MÁSCARAS

POÑER A MÁSCARA

1. Lava as mans



2. Toma a máscara pola parte dianteira, deixando que as cintas de suxeición colguen



3. Pona sobre a cara e pasa as gomas pola cabeza; debes colocar unha goma por encima das orellas e a outra por debaixo



4. Axusta os bordos da máscara ao contorno da túa cara



5. Pon as xemas de dous dedos de ambas mans no clip nasal e moldéao adaptándoo ao nariz



6. Cubre a parte frontal da máscara con ambas mans e exhala con forza para comprobar si hai fuga de aire. Se hai fuga volve a axustala



QUITAR A MÁSCARA

1. A máscara é a última protección que debes retirar.



2. Retira a máscara sen tocar a parte dianteira contaminada.



3. Lava as mans.



ADVERTENCIA

